

- h) Факультеттің академиялық және әлеуметтік жұмыстарының жылдық жоспарын жасау және жүргізу,
- i) Факультет кеңесіне төрағалық ету,
- 1) Оқу бағдарламаларына сәйкес оқу-жұмыс жоспарларын жасау және жүргізілуін қамтамасыз ету,
- j) Факультетте академиялық және әкімшілік-шаруашылық қызметкерлерінің сапасын арттыруға бағытталған бағдарламалар жасау,
- k) Регламенттерде көрсетілген өзіне тиісті басқа да міндеттерді атқару.

Факультет кеңесі

11-бап. - (1) Факультет кеңесі, деканға академиялық мәселелерде көмекші болатын және Жарғы бойынша факультет деканының басшылығымен кафедра меңгерушілері және оқытушы-профессорлар құрамы тарапынан 3 жылға тағайындалатын үш мүшеден құралады. Факультет кеңесінің кезектен тыс мәжілістері әр семестрдің басында және соңында өткізіледі. Декан қажет деп тапқан жағдайда, факультет кеңесін мәжіліске шақырады.

(2) Факультет кеңесі, академиялық орган ретінде мына төмендегі міндеттерді атқарады:

- a) Факультеттің білім беру, ғылыми-зерттеу және мақала жариялау жұмыстары, сондай-ақ осы жұмыстарға қатысты негіздер, жоспар, бағдарлама және оқу жоспары туралы шешім қабылдау және университеттің Басқару кеңесіне ұсыну,
- b) Факультетке қатысты шешімдер мен негіздерді жүзеге асыруда деканға көмектесу,
- c) Факультеттің оқу үдерісі, жоспар және бағдарламалары мен академиялық күнтізбесінің жүзеге асырылуын қамтамасыз ету,
- d) Декан тарапынан ұсынылатын мәселелер бойынша шешім қабылдау,
- e) Жарғы және регламенттерде көрсетілген басқа да міндеттерді атқару. Жарғы және регламенттерде көрсетілген басқа да міндеттерді атқару.

Басқа да құрылымдық бөлімдер

12-бап. - (1) Ректораттың құрамынан университет Сенатының қабылдауы және Өкілетті Кеңестің бекітуімен дайындық, қашықтан білім беру, сырттай білім беру, жоғары білімнен кейінгі бағдарламаларда білім беру сияқты жұмыстарды жүргізу немесе үйлестіру мақсатында құрылымдық бөлімдер; сондай-ақ оқу үдерісіне қолдау көрсету мақсатында ғылыми-зерттеу институттары, аурухана, ғылыми-практикалық және тіл үйрету орталықтары, үздіксіз білім беру орталығы, технопарк сияқты бөлімдер ашылуы мүмкін. Бұл бөлімдердің міндеттері, жұмыс тәртібі мен негіздері регламенттермен айқындалады.

(2) Университетте түрік тілінде арнайы базалық орта білім, бакалавр және жоғары білімнен кейінгі бағдарламаларда қашықтан білім беру жұмыстарын үйлестіру мақсатында төмендегі орталық құрылған:

a) Түрік тілінде қашықтықтан білім беру бағдарламаларының ғылыми-практикалық орталығы

(3) Университетте ғылыми-практикалық жұмыстарды жүргізу мақсатында төмендегі ғылыми-зерттеу институты мен ғылыми-зерттеу орталықтары құрылған:

- a) Еуразия ғылыми-зерттеу институты (Алматы)
- b) Түркология ғылыми-зерттеу институты (Түркістан)
- c) Мұражай және археология ғылыми-зерттеу институты (Түркістан)
- d) Экология ғылыми-зерттеу институты (Түркістан)

(4) Университетте дайындық, интернатура және біліктілік жетілдіру курстарын жүргізу мақсатында төмендегі орталықтар мен бөлімдер құрылған: